



Broj: 16-01/3-50- 54-43 114
Datum: 26.5.2014. godine

fax: 055 22 84 20

Radio-televizija BN

PREDMET: Demanti na navode iz priloga emitiranoga 23.5.2014. godine u emisiji „Dnevnika 2“ Radio-televizije BN, d o s t a v l j a s e .-

Poštovani,

U informativnoj emisiji „Dnevnik 2“ Radio-televizije BN, emitiranoj 23.5.2014. godine, u prilogu novinara Radoja Tasića, koji govori o Državnoj agenciji za istrage i zaštitu (SIPA), iznesen je niz neistina u vezi sa navodnim privođenjima koje su vršili pripadnici SIPA-e na području općine Višegrad, čime je dezinformirana javnost i nanesena šteta ugledu Agencije.

S tim u vezi, a radi objektivnog i istinitog informiranja javnosti, molimo da u sljedećoj informativnoj emisiji, u istom terminu, objavite naše reagiranje.

Naime, u uvodnom dijelu priloga navodi se da su predstavnici Boračke organizacije Republike Srpske saopćili da je više saslušanih građana srpske nacionalnosti „zbog stresa prilikom istraga koje vodi SIPA“ zatražilo pomoć od ljekara i općinske Boračke organizacije u Višegradu, o čemu su govorili na press konferenciji održanoj 23.5.2014. godine.

S tim u vezi, obavještavamo vas da u protekle tri godine nije evidentirana nijedna primjedba na rad pripadnika SIPA-e, odnosno nije evidentirana nijedna primjedba koja se odnosi na prekoračenje ovlaštenja pripadnika ove agencije u slučajevima istraga ratnih zločina.

Eventualna neprimjerena postupanja pripadnika SIPA-e, građani mogu prijaviti svaki dan u službenim prostorijama SIPA-e ili telefonom ili pismenim putem, što će bez odlaganja biti ispitano.

SIPA ovom segmentu posvećuje posebnu pažnju, kako bi osigurala da njeni pripadnici obavljaju svoj posao u skladu sa zakonom i pravilima struke i profesije.

U prilogu se dalje navodi da se Mitrašin Glišić iz sela Prelava kod Višegrada, koji je početkom marta tekuće godine misteriozno nestao ili su ga odveli nepoznati ljudi u kapuljačama, nikada nije vratio supruzi Gordani. Također se navodi da je u ponedjeljak, nakon primljenog policijskog poziva, nestao i njen 19-godišnji sin Slavko, koji se javio telefonom i rekao da je u Sarajevu, pri čemu se aludira da su imenovane „odveli“ pripadnici SIPA-e.



S tim u vezi, obavještavamo vas da Državna agencija za istrage i zaštitu nije učestvovala u bilo kakvom „odvođenju“ građana sa područja općine Višegrad o kojem govori predmetni prilog.

U prilogu se prenosi i izjava načelnika općine Višegrad Slaviše Miškovića u kojoj kaže da u posljednje vrijeme nepoznati ljudi u civilu, sa kapuljačama, vrše stalnu presiju nad pojedinim građanima Prelova. Mišković u izjavi još kaže da je konsultirao i lokalnu policijsku stanicu gdje mu je potvrđeno da se i mimo njihovog znanja dešavaju ovakve aktivnosti na području općine Višegrad, što izaziva negativnu i složenu situaciju na području ove općine, zbog čega određene grupe građana sa tog područja iskazuju i mogućnost samoorganiziranja.

Pored izjave Slaviše Miškovića, u prilogu se prenosi i izjava Dražena Perendije, predsjednika Predsjedništva Boračke organizacije Republike Srpske, u kojoj kaže: „I očito je da ovakvo samovoljno ponašanje pripadnika SIPA-e i nelegalno, koje traje već sedam-osam mjeseci mora izazvati i kontrareakciju srpskog naroda. Imamo vrlo ozbiljna upozorenja u općinskoj Boračkoj organizaciji, poslije osam nelegalnih ulazaka u srpske domove, pogotovo u noćnim satima kada vrše ekipe SIPA-e na tim terenima, da će doći do samorganiziranja i samozaštite.“

U vezi sa ovim tvrdnjama, posebno naglašavamo da Državna agencija za istrage i zaštitu nikada nije vršila „nelegalne ulaske u domove“, odnosno pretrese istih. Napominjemo da se pretresi stambenih i drugih prostorija vrše isključivo po naredbama Suda BiH i Tužilaštva BiH, u skladu sa odredbama Zakona o krivičnom postupku BiH.

U prilogu se dalje prenosi i izjava Miroslava Kojića, poslanika u Narodnoj skupštini RS koji govori da se radi o „klasičnim otmicama“, pri čemu se ponovo aludira na aktivnosti SIPA-e.

Budući da je ovim prilogom dezinformirana javnost i iznesene ozbiljne optužbe i neistine na račun Državne agencije za istrage i zaštitu, te imajući u vidu činjenicu da se prije objave priloga niste obratili SIPA-i sa zahtjevom za stav i komentar, cijenimo da bi s vaše strane bilo korektno da objavite naš demanti.

